

四庫全書

集部

欽定四庫全書

湖山集卷五

宋 吳芾 撰

五言律詩

釋奠禮畢偶得數語呈廣文兼簡諸生

黌舍修方畢還欣祭服成
豆籩羅庶品環珮出新聲
已見威儀肅更須經術明
願言俱努力看即奮鵬程

學中諸士子惠和篇復次韻為謝

欲為多士勸聊綴五言成
乃得瓊瑤報仍聞韶濩聲
塵

襟因頓豁老眼為增明有句能如此何憂萬里程

二月晦日勸耕石城三首

春曉喜新晴聊為野外行殘花紅雨亂垂柳綠絲輕路
入藏雲寺山圍走馬城空餘懷古意往事與誰評

經年縈吏役今日作春遊梅雪隨風去桃花逐水流已
驚時節晚還歎物華休擾擾終何補歸與老一丘

兀坐無聊賴所期懷抱開偶驅千騎出還得十朋來

時有

客遣興非無句消愁亦有杯此心終不樂祇是憶天台

和左達功春日即事二首

世途雖反側春草自萋迷獨樹花仍發何枝鵲可棲旌
旂終逐北貌虎未征西回首長安路茫茫日欲低
春色還如舊吾生媿此心功名嗟晚晚時序憶追尋萬
國豺狼滿重城草木深西湖真賞處空想舊登臨

和李子儀韻四首

甚矣吾兒病求安欲籲天憂心千里切喜信一朝傳遠
勝開金穴渾如得寶鞭若非天相我今日豈能然

我已成衰謝傳家在此兒俄然聞感疾至欲別呼醫愁
緒渾無奈憂心祇自知如今安樂也有酒任盈卮

吾自吾兒病忽忽去若逃天寒霜似雪山險石如刀已
得平安信寧辭往復勞故園歸去也醉裏任遊遨

夜向茆茨宿晨興矯首看遠山俱有雪小店更多寒客
路雖云惡兒曹幸已安不妨頻小憩時引一杯乾

和張君美韻二首

志大空憂國途窮欲問天功名羞短褐蹭蹬惜流年死

友留天末生涯寄海邊相逢是何日回首重依然
風塵環四海煙水遶孤村涉世曾無味思君更斷魂區
區何面目苒苒且朝昏此意憑誰語悠然付酒尊

和尹少稷席上韻

每恨千山隔俄欣一日同交遊非比衆人物少如公正
欲扶公道端期振此風不須深退避風雨要幪幪

和王夷仲韻

故人聲氣合交契久彌深不棄荒村陋來分古木陰意

傾陳篤論興發出高吟豈料逃空谷猶聞正始音

和鮑昌朝韻

參軍長俊逸醉裏度流年客路三千里狂吟幾百篇貧
寧貽俗笑死不受人憐別後知何處相思夜不眠

洪景伯行縣以不得相見寄詩道意因和其韻
準擬君行縣相隨入醉鄉何知旋旆速空負倚樓望室
邇嗟人遠愁多覺夜長後亭梅正發誰共賞寒香

和范遷善見寄三首

蒼生未蘇息誰與任安危騰蹋思千里棲遲尚一枝漫
勞男子志空憶太平時讀罷君詩句愁端愈上眉

平生誇志氣妄意語功名自顧心無歎誰知道不行霜
蹄從暫蹶嘉木曾重榮願守焚舟志他年學孟明

新詩勞遠寄深識子憐余句法追元白交情笑耳餘飄
零疎酒盞離亂足兵車何日相從去白雲深處居

再和三首

不才當退縮何況國阽危猶事毛錐子欲攀丹桂枝人

憐無好命自笑不知時且盡一尊酒高歌展兩眉

范侯心貌古懶與世爭名此去窮彌壯逢時用則行琴
尊無限好道義有餘榮末俗方奔競思君坐到明
憶昔干戈裏勞君遠訪余再為千里別又是一年餘天
末空尊酒人生念輔車西湖從處好畢竟若為居

和左達功春日見寄二首

良覲彌年阻相思入夢迷性疎仍寡合世亂且幽棲極
目蒼山北傷心白水西書空愁坐處還是暮雲低

萬方多難日千里故人心酒社知誰在詩盟阻重尋鶯啼空日暮花落又春深我去慚無計何年許見臨

和何倅與林大任韻二首

遲日郊原好杖藜春色隨此行端不惡對酒醉何辭竹外名花發簷間野鳥窺晚來登閣望山水更幽奇

久欲尋高隱今朝信馬行閒看花上蝶靜聽柳間鶯披豁塵襟盡從容樂事并醉來猶有恨未許見傾城

和黃作霖董伯玉東山嶺上及崇相沙頭會飲

二首

寒食傳佳節，聯鑣出近坳。
預憂賓騎散，欲駐日車停。
座上人顏玉，燈前酒盡瓶。
但知修故事，三日不能醒。

杖藜尋古寺，把酒俯長流。
節物尚三月，風流似十洲。
且看花滿眼，休說錦纏頭。
但得陶陶醉，何妨守舊丘。

和良老寄別韻

紫籜從師住山幽，水亦深方將償素約。
一到洗塵心，別去遽如許。
愁來且至今，何時能見過容我聽潮音。

贈恪上人

上人來訪我袖裏出佳篇窮理通三命知音妙七絃不
妨時對榻聊與共談禪一飯雖麤糲閒中且結緣

題湯宰山居

住在青山下風流踵謝家屋頭千箇竹園裏萬株花亂
石危通徑清泉淺見沙幽居誰得此倦客倍興嗟

和魯漕喜雨韻

下車逢好雨清興一何長暑退郊原爽風生院落涼登

樓延夜月遶樹探秋香況得陪詩社從容樂歲穰

和胡經仲即事二首

世事憑誰論羈懷只自諳風烟悲蜀魄桑柘老吳蠶晚
步惜殘照春山怯曉嵐日來聲鼓近牢落愈無堪
雨脚轉前灣烟蓑帶雨還清詩陶野色薄酒散愁顏簷
鳥下苔逕溪雲媚屋山世途方擾擾誰得似君閒

和陳宗師

昨幸朋簪盍還驚客袂分相望千里月獨占一溪雲高

論無由歟新詩忽得聞羨君巖穴下清坐絕埃氛

和任漕韻

耆英持漕節一稔百無憂心計唯豐國文移罕到州澤
流千嶂雨效見萬家秋早晚趨嚴召雍容侍冕旒

病中再繼前韻書懷

睽違行十日日抱負薪憂已疾無良藥呼醫到別州不
堪當劇暑漸喜近新秋痛定因追念從生若綴旒

和任漕羅溪道中韻

攬轡馳原隰行行四牡驕風煙方入眼雷雨忽連宵官
事終期了征途豈憚遙經旬懷笑語嗟我亦何聊

和許守小閣

依山開戶牖每到眼增明爽塏偏宜性清虛更醒醒地
高朝納日江近夜聞聲默坐觀身世還應百念輕

寄江朝宗

自遣迎君騎期君指日來胡為多坎壈欲動却遲回望
眼凝還斷愁懷鬱不開相顧須及早莫待折寒梅

再和前韻贈江朝宗

方欣嘉客至已寄好詩來玩味徒三嘆披尋欲百回相思愁夢斷一見笑顏開便欲扶藜杖江頭共探梅

寄李彥平

日佇高軒過從容慰別離已乖桂子約還失菊花期正爾思一面忽然掀兩眉聞君有召節平步上丹墀

寄江朝宗

相聚纔經歲分攜又許時遣懷還有酒排悶豈無詩飲

罷憑誰語吟成祇自知願君憐此意命駕莫遲遲

任漕魯漕同謁史發運為廬阜之遊恨不得偕

行因成小詩二首

不向廬山久回頭五十秋羨君聯騎去顧我幾時遊五
老想如故二林應更幽無因陪後乘神往但形留

歲事行將半今年又有秋喜君將漕計容我廁英遊
浦古來勝廬山天下幽此行殊不惡莫惜少遲留

遊金山二首

造物分南北長江欲盡頭有山浮碧玉亘古屹中流萬
頃涵空月千帆破浪舟羨他雲水客長此占清幽
欲向南昌去先為北固行泛舟遊寺古倚檻看江清久
作市朝客喜聞鐘磬聲登臨曾未竟已足快平生

遊荊山寺

道左逢幽寺巍然氣象新泉聲長繞舍山色欲侵人疎
牖時穿竹虛堂不染塵老僧仍好事不厭客來頻

用王龜齡韻題五柳堂

久矣斯堂廢重興賴有公雙溪修故事五柳振遺風
頓覺烟光好端由氣味同莫言官獨冷長在綠陰中

題鑒止堂

道人本無俗肯與世浮沉坐對一池水淨觀千古心
月高天宇豁風靜夜堂深此意知誰會冷然撫素琴

題先春亭

洪鈞轉一氣萬彙俱爭妍我不與春競春胡推我先清
寒徒自苦幽獨有誰憐且與江南客共結詩酒緣

和錢倅秋晚登恰幘亭

滿目悲涼意憑誰斷送秋尋僧求竹舍俯檻得江流天
末高低鴈波間出沒鷗時危身局促却羨汝無愁

聯句題吉祥寺

繫舟枯柳岸窮勝古城陰松徑雲生屨竹牕風滿襟不
妨情話好且放酒盃深杖履尋歸路西山日未沈

聞鹿生子

再上歸田疏從違未可知方憂鶴怨我忽喜鹿生兒六

月事已驗千年壽可期我歸須汝健正要汝相隨

生朝有感

姑溪來幾日兩度見生朝親舊三年隔鄉關千里遙梅
還開舊樹柳更長新條只有雙蓬鬢天公不見饒

得三七姪書說湖山佳趣因以書中語成四韻
今日家書到從頭說故丘園林增茂密池館愈清幽嫩
竹已千箇新蓮僅萬頭欲歸歸未得長是夢中遊

寄四二姪

用其書中竹樹茂密
已是紅塵不入之語

書來言舊隱湖上足煙光樹密交青蔭花繁溢暗香紅
塵飛不入綠水去何長回首千山隔歸心欲發狂

泛舟歸自郡中舟中偶成

寒流清更淺短棹去仍來山色侵書帙波光映酒盃龜
魚應舊識鷗鷺莫相猜全勝山陰路空船載月回

薄日烘雲影輕風濺浪花數峯排絕岸一鴈落平沙冉
冉寒生袖悠悠夢到家前村誰有酒試遣小童賒

暮春感懷

寰區殊未定懷抱幾時寬
倦馬驅馳苦窮猿叫嘯酸
煙深春草碧日薄暮雲寒
豈料滄波上經年駐玉鑾

是處兵戈滿誰言宇宙寬
戰聲驚膽破春色入心酸
北狩江天遠東巡海氣寒
野人元任運愁夢亦隨鑾

途窮朝絕繫世亂夜忘眠
遁跡幾無地全生賴有天
江山春滿眼豺虎日駢肩
萬事愁歌裏看花淚迸泉

憶昔平居日春來足醉眠
黃鸝鳴綠樹白鳥印青天
片片花經眼垂垂柳拂肩
誰知遭喪亂空負酒如泉

憶昔

憶昔從吾友茲焉事筆耕
螢窗秋夜短蓮社晚風清
亂後成陳迹重來愴故情
惟餘雲水客依舊戲長鯨

與江朝宗丁彥功飲酒梅花下二首

挈榼西園去花光照月華
共看花上月肯負月中花
酒與花俱白人如月不瑕
且陪花月醉何用苦思家

一笑未易得今朝豈偶然
故園方自適我輩更相便
好月好花夜不寒不暖天
莫辭拚一醉為我棹艤船

六鶴中偶一鶴折翅

皓鶴相從久衰顏每為開忽聞渠翅折頻使我心摧本
意俱仙去那知偶禍來縱令醫得活無復見毳毼

挽范丞相五首

蚤歲登三事皇朝第一人聲名塞寰宇功業在生民千
載風雲會三朝柱石臣堂堂無復見空憶吐車茵

伊昔宣和際公來射策初獨陳天下事不負古人書宣
室方前席蒼生欲奠居黑頭成奄忽天意果何如

貴處人臣極居忘相位尊朝廷名德重前輩典刑存方
喜生同世俄驚弔在門百年知己恨寂寞向誰論

七十方強半天胡不憖遺致身雖宰輔遭世已艱危計
策安宗社勲庸載鼎彝國讐猶未滅豈料哲人萎

長計公生日年年獻壽詩祇今良月近遽作九泉悲世
事真難料人生信有涯西風吹畫翬心折淚空垂

挽湯丞相三首

平步青雲上逢辰亦盛哉十年登兩地四見入中台獨

擅調元手咸推濟世才如何天不愁一夕泰山頽
游刃有餘地孤忠不媿天兩朝資弼亮四海賴陶甄身
後浮言洵生前素履全他時公論定史筆看流傳

吳郡為僚日如公最妙齡衆尋歸鬼錄獨出佐王庭道
喪思人物公存尚典刑傷哉今亦逝唯我老零丁

挽鹿國強二首

籍甚鳴塲屋居然好弟兄桂林同擢秀梓里頓增榮泮
水清規在家山雅趣成投簪方自適何處掩佳城

仕宦吾鄉少咸尊魯一儒名雖登上第身不到亨衢者
舊今垂盡游從孰與俱百年如夢幻回首但驚呼

挽謝次安二首

耆舊今無幾鄉閭素所依官登五馬貴年及七旬稀一
旦成長往九原誰與歸寒風吹畫翣回首淚空揮
塲屋聲名久簪紳譽望優心雖馳北闕化止被南州緬
想生無憾猶憐志未酬庭堦有蘭玉身後復何憂

挽林紹伊二首

早負經綸志居然欲起家持身惟孝友告后盡忠嘉位
望隆青瑣文章在昌麻忍聞埋玉樹四海共驚嗟

三朝褒舊德一代仰名儒晚歲持荷橐頻年剖竹符共
期調鼎鼎豈謂老江湖身後知無憾傳家有鳳雛

挽周希舜二首

末俗事浮競夫君志不移至誠閭里化純孝冕旒知恬
養方安命騫騰未濟時一朝埋玉樹空使萬人悲

傾蓋如前日分攜忽累年我方來舊治公已闢新阡宿

草荒三徑寒雲慘一川善人無復見回首已茫然

挽梁尚書二首

早歲膺宸眷回翔老禁塗三持周版籍九佩漢銅符
度量包千頃聲名滿八區誰知成奄忽陳迹付龜趺

身在名卿數人懷長者風愛民餘善政富國著休功
敷歷周中外哀榮極始終芝蘭方競秀流慶看無窮

挽吳尚書三首

奇才從古少厚德獨公全克己強為善虛心樂薦賢
立

朝忠貫日謀國力回天閱世雖多故留中固湛然
晚歲登臺省頻年侍殿墀從容如素宦卓犖冠明時人
冀終圖任天胡不憖遺流芳知未艾家有寧馨兒

公守東陽郡于今已十年人猶誦遺愛政不愧前賢清
議當時重休聲後代傳我來叨郡佐悵望隔重泉

挽樓樞密二首

耆舊凋零久惟公作世程險夷全一節終始保榮名二
府勲庸著三州政績成十連方倚重何遽掩佳城

憶昔登龍日從容接勝遊軒窗臨綠野尊俎俯清流尚
欲榮花塢那知負釣舟新阡何處是極目暮雲愁

挽周季卿

一時推曠達末俗少如公自得高人趣居多長者風生
涯書卷裏世事酒盃中瞑目應無憾傳家有阿戎

挽陳充仲

慷慨平羣盜能為衆所難身雖淹武弁志不負儒冠義
槩千鈞重心田萬頃寬故山方適意清夢忽驚殘

挽朱樞言

持心常近厚遇事不辭難
早歲曾攀桂中年更握蘭
盛名馳海內素望聳朝端
尚有清芬在流光永後觀

挽姚君二首

處世心無愧持身德有常
施恩周里閭植福遍僧坊
入戶書盈室開尊客滿堂
清芬傳後葉看取桂枝芳
晚得田園趣平居樂有餘
好賢聞善道奉佛契真如
往事歌謠在浮生夢幻虛
我慚居堊室無路挽靈車

挽胡經仲二首

千載微言絕夫君妙獨傳
鉤深探閭奧養浩塞天淵
憂世心雖切歸田志頗堅
斯文今已矣空復誦遺編
相距一百里相從四十年
話言窮理窟酬唱足詩篇
我始歸三徑公胡掩九泉
無由論舊事尚擬誌新阡

初冬山居即事十首

我愛山居好冬來愜野情
簷前朝日暖谷口暮雲橫
栢子當軒墮蕉花傍檻生
自堪安樸拙何苦慕塵纓

屋角營書室新成八九椽開林延愛日甃石截流泉
近嵐光逼窻疎月色穿寒梅何日吐我欲醉花前

歸來非計失事少得心寬村落年方稔庭闈病復安詩
當隨景賦酒莫放杯乾挿架書還在仍容子細看

自笑謀生拙空驚歲月除年衰惟藉藥髮少不禁梳盡
日扃蓬戶無人過草廬晚來閒策杖緩步當柴車

節物隨時變斜陽一望中暮雲重疊碧遠樹淺深紅菊
色滋寒露蘆花蕩晚風一樽誰與共獨立意無窮

本是山中客胡為作遠游風波驚脫險巖谷喜尋幽紙
帳寒來暖僧蔬飽即休百年如一夢此外復何求

久出畏人事端來避世紛山光閒裏見樵唱靜中聞茗
椀晴翻雪香爐曉吐雲已應空百念勿復嘆離羣

年去驚人老坐來忘夜深未能成一事何敢廢分陰燈
盡添殘燭山寒擁敗衾幸無塵俗慮聊遂讀書心

搔首寒窻下荒山草樹迷鳥聲喧晝寂鴈陣接天低更
欲開三徑終當把一犁此心非傲世揣分合幽棲

田宅雖無幾琴書幸有餘不妨臨水賦況是背山居適
意真為樂浮名總是虛前賢猶若此我輩欲何如

五言長律

范丞相生日

天啓中興運時生間世人峴山鍾氣象漢水賦精神文
采傾場屋聲猷聳縉紳千言醫國策一日致君身平步
登黃閣孤忠結紫宸聖心資啓沃帝業賴經綸嶷嶷文
章伯堂堂社稷臣威名騰異域德澤徧斯民相越風流

在歸秦意氣伸有才俱擢用靡事不咨詢十載空天路
三年澤國濱宵衣方念遠皂蓋且行春令下人咸喜風
行俗自淳一方新沐惠四海舊依仁佇見飛還詔重煩
秉國鈞從容扶日轂慷慨掃邊塵為相賢如此當朝信
絕倫邦人逢誕日和氣滿城闈貴極纔三紀冬來始浹
辰願隨靈壽杖千歲閱莊椿

和許守喜雪

一夜飄瓊屑雕鐫竟孰施主張歸白帝勾引自雲師飛

灑斜穿牖連翩亂入池漫空疑柳絮著樹混梅枝月射
光偏瑩風迴勢轉危聯華憐鶴髮耐冷羨冰肌萬壑填
將合千林壓欲垂拂簷輕似粉繞砌白於脂公已齊高
潔吾方守鈍遲共欣占嗣歲仍喜沒多岐政已騰民頌
忠宜結主知會看頒紫詔早晚下丹墀

欽定四庫全書

湖山集卷六

宋 吳芾 撰

七言律詩

二十八日出郊勸農陳澤民見示佳作因次來
韻

雨多晴少恐妨農相勸欣逢日出東烟藹已收霄漢外
江山如在畫圖中相看且喜頭俱白一醉休辭頰暫紅
萬事要從勤苦得莫言豐歉在天公

同日和黃繁昌韻

乘閒聊復出城遊所喜相從盡勝流已對江山銷客恨
更添花卉解人愁須知世事渾如夢還念人生盡若浮
君若更辭花下醉問君能有幾春秋

同日登青山偶作

公餘不憚陟崔嵬三到謝公池上來下視衆山俱培塿
俯窺塵世盡氛埃松生清籟醒人耳花褪殘紅墮酒杯
喜與諸君同勝賞莫辭一醉少徘徊

和李相之勸農

憂民無語對東君一雨霽霽慰望雲宣化但期施實惠
勸耕寧復事虛文已看野老扶藜去應有幽人植杖耘
千里農桑知帝力自慙濫把竹符分

送任漕

聖主方將大有為有如二老盍來歸不應飛輓留江表
且使澄清向日畿四海英豪從古少一時耆舊似君稀
相將穩入修門去直上雲霄拱太微

送魯漕四首

高人本愛水雲鄉，攬轡登車未免忙。
連歲已陪徐孺子，今年更訪賀知章。
近家上塚情何限，尋壑經丘興更長。
祇恐便歸清禁去，稽山未必得徜徉。

聚散無期自古來，偶然相值且徘徊。
百年能得幾回醉，三世肯辭平等杯。
晚歲誰如君激烈，高情應念我衰頽。
亦知分袂無多日，懷抱何妨更盡開。

自別頻驚歲月遷，又來此地奉周旋。
雖欣同會成三老，

却恨相從未一年君已促裝行詣闕我方投綬欲歸田
須知出處從今異一醉休辭拍酒船

不貪燕寢日凝香祇要歸休深處藏大火已流秋尚暑
商飈微動夜初涼身縻官事老不止心著家山夢更長
頗羨浙東新使者如今衣錦更還鄉

送黃仲東舍人赴湖南漕

巧偽由來苦亂真獨持正論竦簪紳身心贏得為君子
學術寧將殺世人已向廷中伸此道更來湖外濟斯民

愿言恢作經綸業會有功名遇合辰

人字一聯用席上談溫公及劉高尚

語之

魯漕按行諸郡以所得江山之秀形之篇章燦然成軸出以相示卒卒未能盡和且作數語以

報來辱

十分秋色滿江天準擬遊觀快目前愧我把麾成束縛羨君攬轡得盤旋平時已富瓊瑤什行處還多錦繡篇何計獲陪輶傳去肯將吟筆寫山川

前日小詩併呈魯漕

華髮蕭蕭我與君未能免俗尚馳奔
相看已是成三老得暇何妨共一樽
我欲丐閒歸故里君行趣召入修門
亦知聚首無多日且把交情更細論

和魯漕節中見示

天時又是一番新顧我猶為逆旅人
詩酒情懷聊自遣山林志願幾時伸
羨君職事有餘暇贈我篇章不厭頻
一讀灑然忘鄙吝渾勝笑語得相親

陳時中法臺得郡而歸喜而成詩

去歲秋風話別離
今秋俄報有歸期
自應冠象登三院
何遽憑熊把一麾
治行佇為千里最
才猷已是九重知
莫辭小憩留仙隱
伴我花前倒玉卮

龔漕見示遊山唱和詩卷用其首章和二篇

說著登臨喜欲顛
正慚拘俗未能前
羨君領客同遊去
使我聞風亦豁然
已歎高懷能放曠
還欣佳句更清圓
如今便蠟尋山屐
夙駕何須吉日涓

塵埃終日滿華顛忽見新詩墮我前
溢目衆篇雖傑出驚人逸思獨飄然
秀如松檜枝枝老好似珠璣顆顆圓
自此得聞清廟瑟懶從灘上聽師涓

和任漕開宴值雨

正是千花萬卉開一時景物亦佳哉
良辰已幸陪龍節盛宴仍容飲豹胎
雖喜風光環几席其如烟雨暗池臺
明朝天宇應澄霽尚擬尋芳一再來

加恩進秩有作

慶典施恩及萬方老臣遭遇亦非常頗加多邑慙非稱
倍進崇階懼莫當自念生來無此望却憂福過有餘殃
病軀莫效循牆避且上天庭控免章

寄魯漕

四海耆英世共知七旬強健似公稀使星姑暫淹黃髮
卿月還須近紫微門外墮荒方合奏庭前蘭玉更相輝
人生樂事誰能及莫惜通宵壽斚飛

送魏養

平分冬氣恰經旬
天應新陽產異人
家世舊來推碩學
胷襟自許作良臣
不應蓮幕淹留久
會見楓宸拔擢新
但願朱顏長不老
穩看他日畫麒麟

贈蕭守

一代簪紳仰老成
天生賢德佐昇平
慶傳八葉源流遠
氣稟三秋表裏清
蚤戴豸冠居憲府
旋持荷橐直承明
祇今名德如公少
寧久淹留海上城

天界仁賢鎮一方
坐令歎歲作豐穰
盡鋤海上鯨鯢跡

頓肅庭中鴈驚行萬室共知歌邵杜千年重喜見龔黃
修齡已遂陰功長不待邦人獻壽觴

贈許守

天賦奇才屬意深一時人望冠儒林文章世有中和氣
政術家傳清白箴屏翰豈能淹大手江山聊助發高吟
寒梅已有調羹意壽筇何妨且滿斟

送謝子肅之官

吾鄉人物苦彫零賴子傳家有典刑仕宦方期行古道

姓名早已達天庭，致君事業須先辦。
涉世風霜要飽經，終不負承寧久屈會看感遇際千齡。

送江朝宗之官

芳草連天柳拂堤，憐君俛首去勾稽。
賦成梁苑方同樂，唱徹陽關遽解携。
指日鷗鵬當直上，待時鸞鳳且卑棲。
若逢訪戴人乘興，莫惜相隨泛剡溪。

送王若夫造朝

要路如公今著鞭，况逢聖主正需賢。
長貧豈謂連三世，

不調那知又十年道在未應終困躋時來看取即騰蹇
此行會有知音者送上通津歲九遷

送孟世功

男兒三十未成名肯但區區事筆耕王桀平時希負鼎
賈生今日請長纓漫漫海內妖氛暗策策腰間老劍鳴
會使蒼生重奠枕北山休顧小猿驚

潘公舍人義榮當世第一流人也僕頃得金華
私竊自喜將獲從公之遊洎至而公已云亡至

今以為恨金元鼎出公往還詩帖因即公韻和
數句于後姑以少見平生慕用之意云

一代名流世許誰獨公皎皎著明暉少攄妙蘊聊持橐
欲振孤風便拂衣愧我仰高乖晤對羨君請益探玄微
今朝刮眼看遺墨更覺平生萬事非

送張甥歸上饒

悲惱情懷未易除相逢猶未免嗟呼暫停絲竹雖云冷
只對江山亦足娛我得退閒為上策汝能勤苦是亨衢

欲行千里非難事須作人間汗血駒

與鹿郎中

思到高人見一堂經年魂夢鎮飛揚抱病已恨身無力
拘俗還疑路有妨聊寄一樽牽酒興更憑五字惱詩腸
巡簷應索梅花笑無計從君醉幾場

王百洪遭旱經火之後赴官荆南作詩勉之

莫將外物撓胷中旱魃從他更祝融道業不應緣火盡
生涯會復值年豐事經盤錯才方見詩到羈窮句始工

休歎徒勞淹幕府要君努力振家風

李倉子長按行偶成四韻奉呈

強把州麾楚水東星軺臨按偶相逢
平居已是同閭里歲晚還來託部封
千里江山多契濶一樽風月且從容
我將投綬林泉去拭目公歸侍九重

長年蹤迹歎西東此地那知得會逢
老去我將歸梓里時來君合拜芝封
故交零落添新塚晚景衰頽減舊容
今夕尊前休惜醉回頭千里暮山重

遠眺

萬壑千巖百尺樓地形高壓浙東州旁窺照水烟波濶
四顧滄溟雪浪浮遠望尚賒秦轍迹懷人還想晉風流
凭欄已足消塵慮何必三山汗漫遊

和王龜齡待制貢院落成二首

扁舟猶記拂洲蘋轉眼年華幾度新愧我今成雙白鬢
喜君來駕兩朱輪一時令下從如水千里威行敬若神
擬訪舊遊觀盛事一官何苦絆吾身

主盟湖學屬何人，賴有公來為作新。
士俗似聞衰也久，文場今見美哉輪。
挈還舊觀人爭覩，賦就新詩筆有神。
莒魯儒風從此振，文翁端恐是前身。

貢院落成郡庠諸生畢集因作詩以勉之

多士如林古豫章，不應較藝寓僧房。
一朝盡闢荆榛地，萬礎俄新翰墨場。
文筆要同孤塔聳，詞源宜與兩湖長。
會看從此飛鳴去，九萬鵬程未易量。

和池州陳教授韻二首

人物今誰似此郎合居嚴近贊垂裳未將事業先諸老
且把文章變一方今日杏壇風似魯向來鐵硯志如桑
會看奮迅為時用展盡胸中計策長

平時野性愛吟詩一字長慙未得師妙句既容窺格律
良辰更喜覲光儀絳帷暫且留三楚丹陛行將命一夔
莫為浮榮求速化功名到底屬男兒

和郭教授立春除夜之作二首

兒童爭喜歲時新老去方知感此辰始具杯盤來送臘

又簪幡勝去鞭春滿斟蕉葉休辭醉且對桃花痛飲醇
況有故人能過我相看歲晚更情親

意廣才高困謗傷又還客裏換年光驅馳道路風霜苦
放蕩江湖日月長縱未致身登鳳閣也應平步入鴈行
胡為尚鬱騫騰志無地棲遲寄寺廊

和許守韻

臺閣如公益見收尚淹外補為民憂身為郡國三年計
心在江湖萬里秋乘興舉杯還對月得閒搜句或臨流

平生恨不逢名士豈謂年來遂此謀

和詹守二首

一日相逢喜有餘對談勝讀十年書
歡聲已溢粉榆社和氣還蒸蓬蓽居
敢道高標攀靖節或疑勝致到華胥
願言莫惜留連醉看我東臯帶雨鋤

特迂千騎訪柴門多謝清朝皂蓋臣
肯為衰翁留竟日頓令寒谷暖生春
論心便覺塵襟豁刮目仍觀妙句新
轉盼又還成遠別相思後夜定傷神

和許守野亭登眺

夫君自合代王言暫寓空齋八九椽
盡日清談揮麈尾閉門危坐藝龍涎
詩囊遣興隨時賦茗椀祛魔對客煎
看即除書催入覲得閒登眺且欣然

送許守

慣分符竹理疲民來住賢星又兩春
語到江山端有助化行風俗自還淳
我知既去思何武人歎無從借寇恂
別酒徑須拚一醉他時良會恐無因

千里歡謠處處同使君遺愛信無窮不容昏墊為民患
解轉凶荒作歲豐治行好書循吏傳清聲無愧古人風
九重想已知名久看即黃麻出禁中

和梁次張得酒之作

在處人爭饋五漿風標端是紫微郎已能遣興追工部
更欲消憂對杜康闡教暫煩臨泮水趨朝行見裛天香
老夫素乏驚人句徒歎辭鋒未易當

次張近見示盛著其間制詞甚多故

有紫微
郎之句

十五夜與朝宗對月把酒朝宗屢懷歸因賦二

首

人閒無處避炎光賴有湖山六月涼清夜已欣天似水
長空還愛月如霜我將乘興拚沉醉君苦懷歸有底忙
試問今宵能飲否更來月下對胡床

霧捲雲收月迸光一時煩濁變清涼怪來座上深無暑
疑是山間已有霜老去豈期身尚健閒中且以酒為忙
故人若也堅辭醉忍負良宵月滿床

登南樓二首

人身安用惹閒愁得暇何妨且少休
睡起徑須烹北苑興來聊復上南樓
公庭漸覺日無事田里仍逢歲有秋
滿目江山還可樂歸心已動不容留

新敞南樓百尺雄一溪遙跨兩長虹
青山疊疊登臨外碧瓦鱗鱗指顧中
倦客自憐如倦翼歸心長是逐歸鴻
凭高幸與賓僚共酒盞何妨為我空

凌歊臺六首

莫辭千騎小徘徊共上凌歊百尺臺過雨江山新似洗
連天草樹翠成堆搜羅好景歸詩句斷送閒愁付酒杯
對此願公拚一醉相逢能得幾回來

萬里清光絕點塵別來經歲鎮如新恨居平地去天遠
喜上高臺與月親正好賞心拚醕酹不堪懷古倍酸辛
向來登此知何限傳到如今有幾人

簿書終日困拘攣每到凌歊意豁然千里日光斜照水
一川草色遠連天青山頂上元暉宅采石江頭太白船

俱在目中渾可樂何妨時復一揚鞭

黃山高處敞層臺伊昔規模想壯哉江上依然雙闕在
日邊不見六龍來落花啼鳥空遺恨翠竹青松且謾栽
先是老懷多感慨每來弔古一興哀

百尺臺前萬頃寬風烟縹緲隔塵寰天浮江水兼湖水
雲抹淮山與楚山景物宛如圖畫裏星河祇在戶庭間
登臨莫作悲秋意且對黃花一解顏

宋武當年迹已陳荒臺寂寞幾經春一番棟宇從頭葺

四面軒窓入眼新
陡覺江山增氣象
更添風月愈精神
老夫無處逃炎暑
領客時來一岼巾

江月臺

秋來江月十分明
臺上涼生氣倍清
正好醉吟時自適
若為衰病日相縈
苦無佳況人空老
數盡殘更夢不成
料想賓僚應笑我
鬢絲如此尚含情

陪梁大諫察院同登蔣山

山如屏障阜如鍾
中有巍巍古梵宮
六代興王俱掃跡

一僧遺塔尚摩空萬松雪類長波掛八水源從異域通
家在天台最深處見山還憶故山中

過吳江題臞庵

壯歲經行今白頭未容歸老復來遊人如化鶴雲間去
橋似垂虹天際浮風月一川無限興烟波萬頃不勝愁
三賢高躅何難繼猶抗塵容祇自羞

遊臞庵

松江橋畔闕名園一別重遊二十年種德堂前松菊茂

浮天閣下水雲連同來朋舊今誰在獨去情懷祇自憐
若許拂衣從此逝不妨長泛釣魚船

過吳門登簡孚堂有感

三十年前此宦遊經從偶得駐扁舟回頭歲月如駒隙
到眼風烟獨虎丘無復故人論舊事却因陳迹惹新愁
此生未必能重到且為斯堂更少留

遊朱氏園

萋萋芳草遍池塘歎惜韶華一半強聞道名園千畝勝

來看浪藥萬枝芳，
渾疑席上紅裙擁。
未讓階前綺帳張。
坐客徑須拚痛飲，
要將一醉答春光。

自湖上歸遊朱園和李相之韻二首

萬頃湖光一鏡開，
幾人湖上散輪蹄。
水明盡倒千巖影，
沙軟新成百里堤。
草際已橫烟雨艇，
眼前無復稻粱畦。
馬侯遺迹依然在，
顧我無功敢與齊。

聞道城東有故家，
海棠初試萬枝花。
偶來花下燒銀燭，
還似空中散綺霞。
園裏高人全曠達，
坐中騷客富文華。

新詩已就驚人句
醉墨縱橫似亂鴉

遊鹿田三洞

野性平生酷愛山
不厭絕躋攀
感時又見三春暮
乘興聊同一日閒
雲出岫時迷古洞
鹿耕田處認禪關
自憐擾擾塵埃裏
眼底欣逢水石環

次韻沈漕寄和題碧雲亭之作

昔日危亭迹已陳
我來聊試運風斤
斷垣無復生青草
舊觀依然聳碧雲
千里江山簷下見
一天星斗坐中分

他時有客來登覽應記當年老使君

和王致君見寄望海亭詩

領客閒登木杪亭坐來四面對崢嶸野田散漫高低綠
湖水瀰茫遠近清覽勝喜窮千里目放懷笑引百壺傾
酒闌未用忙歸去更看亭前海月明

題陳彥山草堂

矯首江天正奉懷一緘遙寄百篇來
頗聞新築草堂就仍對舊穿花徑開
坐上好山長作伴窻前修竹鎮相陪

嘉君深得閒中趣
千里何時共一杯

題養浩軒

丈夫窮餓亦陶陶
肯使宵襟掛一毫
千古功名輸慷慨
百年榮辱付醪醕
斗間古劍光芒直
雪後青松意氣高
安得泊船沽美酒
月明相對讀離騷

姑溪樓

四面樓成已壯觀
茲樓仍更出雲間
一條溪引五湖水
千里江分兩岸山
是處風烟俱秀發
舊家氣象頓追還

公餘幸此同登覽一醉休辭酒量慳

和天予孺子亭三首

南州高士務躬行不事王侯祇力耕西嶺已如剛節峻
東湖還似古心清正慙老拙非良牧安有仁恩及庶氓
若也當年能逐跡他時容或可齊名

東漢諸公孰最賢南州高士獨推先蒲輪徒枉當年聘
塵榻從教盡日懸吾道固應天未喪此時爭奈木將顛
栖栖爾輩成何事那似清風萬古傳

我來湖上訪前賢正值清秋欲暮天十頃敗荷歌淺水
千章古木鎖寒烟遍尋陳迹俱亡矣獨立幽亭祇黯然
清德照人增我愧暮年獨未返林泉

黃超然參議和拙者去郡十五絕又以詩見寄
屬疾眩未能一一次韻且和二篇以謝

三復詩翁白雪篇渴塵俄得醉心泉高人固已追摩詰
好句還應壓玉川快似涼風來木末清如皓月出雲邊
呼兒好為藏巾笥莫許閒人取次傳

向來從宦鄭公鄉每遇清遊坐有光江上凭欄天一色
湖邊艤棹木千章眼前景物俱堪賦心著家山獨未忘
歸到小西湖更好觀魚何必遠如棠

陪任漕胡倉登滕王閣秋屏列岫

滕閣秋屏已快哉更登列岫少徘徊溶溶一水簷前去
隱隱千帆坐上來每恨長年成契濶頗欣今日得追陪
能并四樂由來少且對江山舉一杯

登列岫

此邦已是富烟光那更斯亭冠此邦正向坐中窺列岫
恰從簷下瞰長江閒穿松徑雲生屨宴坐蒲團月滿窓
想得山人應笑我老來強擁碧油幢

滕王閣三首

昔日驕王鎮此州特營高閣瞰清流一時傑出稱雄觀
千古爭傳作勝遊徧覽遺蹤容可想回思往事却堪羞
時人漫說朱簾雨空惹騷人拄笏愁

高閣秋登第一回頓令心目豁然開山騰翠靄浮空去

水引清風入座來
九夏炎光今已矣
一時佳興更悠哉
和君妙句如冰雪
想見宵中絕點埃

向來高閣久成空
今日雕欄勢尚雄
觸影自憐人已老
題詩還愧我非工
江山滿目長悲古
尊俎開懷幸對公
莫惜躊躇連日醉
此回別後幾時同

賀梁氏書樓初成

千門高處許誰同
傑閣新成氣象雄
輝映萬家增壯觀
崢嶸百尺聳層空
一天風月登臨後
千里溪山指顧中

此地舊多仙窟宅對君疑是老仙翁

城上初作新亭猶未名也邦人闕然稱為三槐
殊不知所從來揣其意必以亭下有槐一根三
幹挺然秀出故有是號然非所宜言也余恐不
知者謂出自我作數語以解之

我心祇是憶天台欲去無從首重回若得此時追五柳
絕勝他日面三槐年年白髮催人老夜夜青山入夢來
縱有萬鍾非我事何如且覆掌中杯

一作慙愧邦人言過
矣哀翁百念久如灰

再題周處士山居

山鎖烟蘿自古青
更臨絕頂敞簷楹
前瞻江氣連雲起
回顧湖光照日明
坐久已驚毛骨爽
歸來猶覺夢魂清
從今便擬休官去
夢伴幽人度此生

閒驅小隊出城闌
春色三分已二分
到處有花渾灼灼
望中無木不欣欣
故池尚想元暉宅
荒草空悲太白墳
滿目青山誰是主
獨輸高士卧烟雲

和李子儀到山居

接得新詩喜有餘
詩中字字說山居
固知還舍方為樂
亦悟浮名總是虛
無計林間閒放鶴
何時湖上靜觀魚
我心萬事都無累
祇欠歸來得自如

和董伯玉讀當塗小集

昔時乘障楚江邊
信筆題詩度歲年
豈敢嘲風仍詠月
祇思問舍與求田
歸心雖似陶元亮
句法寧窺孟浩然
多謝君詩過褒拂
愈令慙汗出如泉

和方叔載讀小集

江城留滯雨經年強把詩篇擬昔賢
豈有高歌翻白雪祇憑短句問青天
優人獻伎徒供笑醜婦添裝豈解妍
君欲學詩須學古不應讀此向憲前

前日小集梅花猶在乘興移其下
杯行樂甚是夕風微月朗花飛入座者
紛紛如雪待制曾丈有四并之歎謂不可
無作屢屬唱之因成拙句老去逢春倍感
時興來聊復對芳菲月明更覺花枝好
風動還驚雪片飛一笑休辭今夕醉四并
須信古來稀

乘閒莫惜頻相遇要共攜壺上翠微

五月五日領客泛舟

要同佳客濯清泉却下危樓上畫船拭目已看雲際月
洗心還愛水中天更無暑氣侵尊俎但有薰風入管絃
我欲就閒行作別且拚一醉共陶然

待史志道不至

欲覲英標慰此懷既推印綬尚裴回心馳巖壑吾將老
目斷雲霄君不來清夜漫漫勞蝴蝶夢重陽已負菊花杯

儻能諒此拳拳意勝似心顏相對開

王瞻叔參政寄惠雲笈經因成四韻奉酬

老來猶未返林泉終日區區亦可憐擬扣玄關求至道
喜披雲笈探真筌他時使我離塵境今日由君結妙緣
莫謂骨凡難變化丹成雞犬尚升僊

懷梁丈陳丈

不見高標動浹旬寸心如渴欲生塵春深漸覺梅花老
風暖還驚柳色新對景想題詩句滿開懷應把酒杯頻

扁舟前後空相望安得從容笑語親

會使帥郭侯燕於采石

高牙大纛拂層雲樽酒相逢楚水濱千里江山俱入眼
一天風月解留人橫吹玉笛漁船晚醉擁金釵綺席春
此地謫仙歸去後誰知今日興尤新

再用前韻堅使帥凌歊之約

喜對東風翫朶雲按行知已遍淮濱論心我正懷良晤
乘興公應繼昔人采石江頭天欲霽凌歊臺上物長春

從容儻許留牙齦看取姑溪歲事新

送黃作霖

有志男兒走四方憐君羈旅歲時長數千里外干微祿
三十年餘返故鄉老著青衫唯可恨光生白屋亦非常
時來會有搏風便莫道途窮便感傷

耿曼老自去秋起歸興以被旨抹荒方有行色
來告别傷成數語送之

去秋已作送君詩豈意淹留復許時端為九重憂歲歉

故令六轡緩歸期萬人全活俱安業二麥收成足療飢
此事一歸君妙畫陰功當自有天知

送陳澤民赴銅陵簿

鄉閭人物久凋零輩行如君却老成自合懷鉛居冊府
若為棲棘向江城簿書且作三年計事業當為萬里程
林下閒人如未泯尚期拭目看飛鳴

送江簿歸括蒼

羈懷索寞苦難禁賴有良朋與盍簪同志自憐今日少

知心誰復似君深
哦詩喜得江天句
把酒愁分歲暮襟
莫戀故山乖素約
春來準擬共登臨

和高簿

不憚馳驅半驛間
勸耕聊復到禪關
耳根暗瀉潺潺水
眼界橫陳疊疊山
已喜新來春事好
還嗟老去世塗艱
洪崖幸爾心相契
此後何妨數往還

家家門外與牆頭
疊足排肩看我遊
出郭不應祇獨樂
勞農端欲與同憂
偶逢佳處寧空過
縱迫歸時亦暫留

慚愧高軒遠相過聊持杯酒當茶甌

送汪樞帥福唐

試數中興社稷臣獨公名德冠簪紳
合依袞繡歸雙闕却擁旌幢帥七閩
帝欲十連均雨露人思四海靜風塵
會須展盡經綸手總把安危佩一身

送王舍人彥正奉祠東歸

去年趨召偶同時每喜蒹葭玉樹依
偉論崢嶸從古少高懷恬退似君稀
身遊紫禁方持橐心著青山便拂衣

顧我滯留徒有愧扁舟何日送東歸

送方務德侍郎得請東歸

三抗封章未得歸故山歸夢每飛馳羨君却向林泉去
愧我猶為印綬縻忙裏光陰能自惜靜中氣味許誰知
祇疑天靳清閒福丹詔還催上赤墀

送人出使

天心軫念國西陲妙選廷臣下赤墀要布寬仁慰彫瘵
用資根本濟艱危九重眷遇風雲會萬里威名草木知

此去願羅天下士歸來共立太平基

驛騎駸駸犯露霜定知遐俗喜生光
千官弩矢迎郊外百姓壺漿夾道旁
要使遠謀安井邑盡令諸將守封疆
更將餘力籌邊策歸日收功坐廟堂

和閭丘莘叟

此時狂敵合灰飛致我天王下紫微
士馬生風增銳氣旌旗蔽日耀皇威
愧無一策裨黃屋濫逐千官扈赭衣
智畧如君宜有用周行指日看來歸

送王仲矜赴興元倅

有志男兒自不同出門慷慨氣如虹
遠謀尚欲安天下小試何妨佐漢中
此地從來為重鎮乃翁還更有遺風
一行莫起徒勞歎看即人歌別駕功

和嚴倅覓碧香

不勞齋戒絕羶葷聞已潛通妙衆門
此道能明從古少今朝正要與君論
十年未免憂茅塞一詣終期破棗昏
縱有香醪堪寄遠何如相對倒清樽

和鮑倅

影纓誰不是王臣抗志如今有幾人
隆典固嘗深探討
顏網猶未許彌綸擬歸舊隱消殘臘
旋買新田作好春
聖主搜揚方側席不應無術濟生民

參軍已去作飛仙俊逸聲名久不傳
千古家風期爾振
一時句法許誰先心惟酷好佳山水
手不停披舊簡編
想得錦囊應是富來年知有幾千篇

人生出處苦難全老矣安能了世緣
聊向此時看捉月

敢希他日上凌烟行吟雖愧無新語坐食猶欣有故廬
若得放歸多種秫不憂長欠酒家錢

勸農題巖寺

西山千仞鬱崔嵬寺在山椒勝處開暇日久思乘興去
中春始為勸耕來屋頭水色青如染簷外嵐光翠作堆
幽賞未窮天已暮驅車欲去更徘徊

開河畢功喜而有作

汚河積水困薰蒸開鑿那知不日成野水盡從簷下過

客舟還傍市中行江山自昔天然秀人物從今分外清
本為此邦開眼目老夫雙目亦增明

和十五姪見寄

草廬高卧幾經春被褐深藏席上珍已自閉門甘澹泊
不妨琢句自清新我慙老去同流俗日念歸來作野人
此後埵荒酬唱罷因風見寄莫辭頻

和十五姪韻

無補公家祇主臣但思高卧故山雲宦遊耻齒太倉粟

歸去貪羨碧澗芹喜得醇醪堪飲客還驚妙句更超羣
速來共為梅花醉趁取枝頭香正芬

和四二姪用林道叟見寄字韻

華髮蕭蕭日夜踈奔馳不止欲何如得拋印綬心方適
歸見湖山氣始舒世事轉頭如蝶夢人生到此似蘧廬
我今已作終焉計却悔當年赴鶴書

元夕有感

當塗連歲看燒燈又見洪都爛滿城紫陌人疑春欲曉

清宵天放月爭明老逢好景知能幾暗數流年祇自驚
亦擬尊前成一笑吾衰無復舊心情

元夕用胡經仲所寄韻呈辛倅及諸僚友

星斗潛移下九天滿城如畫酒如泉當時行樂陪千騎
今日重來恰十年燈燭光中春更好綺羅叢裏月爭妍
諸君莫惜長鯨量要向尊前中聖賢

和澤民送春

我家隨分有園池正願春遲春又歸風掃花枝猶隱約


日烘雲影漸熹微客來但欲拚同醉事往何須歎昨非
自念生平魚鳥性又思川泳與雲飛

不堪歲歲送青春消黯渾如失所親短句吟成猶恨別
青樽買盡不辭貧興來直欲遊三島老去何由駐二輪
賴有君能知我意肯來同作送春人

又和金克家送春

春來縱使日銜杯老去逢春能幾回幸有良朋同雅集
不妨爛醉罄餘壘羞看落絮愁盈抱強把殘花淚滿腮

惆悵又為經歲別
莫辭花下少徘徊



欽定四庫全書

集部

湖山集卷八

詳校官庶吉士

臣

柳邁祖

主事

臣

呂雲棟覆勘

謄錄貢生

臣

張大同

謄錄舉人

臣

范翔集

欽定四庫全書

湖山集卷七

宋 吳芾 撰

七言律詩

和經仲春日即事

淡煙籠水一溪虛，別有風光在野廬。
幽哢喚人回遠夢，落紅鋪水失清渠。
此生得酒休辭醉，今日何人是莫居。
正向東山念蕭索，筠筒煩寄措南車。

策杖郊原信步行，沙邊春水半涵清。
花開舊樹香仍在，

燕葺破巢功未成
世路十年塵土面
春風萬里鼓鼙聲
從今準擬開懷去
到手荷杯莫厭傾

喜雨

聞道他邦盡禱祈
沛然膏澤上遲遲
有年已是天私我
連日那堪雨及時
聲入萬家添喜氣
涼生千里解炎曦
也知造物恩難報
且採歡謡綴小詩

和許守喜雨韻

使君盛德格皇天
奔走羣龍雨霈然
坐使稿苗成茂實

潛將豐歲換凶年，荷鋤野老欣嘉應。
抱甕田夫得晏眠，擬倩樂工絃盛事。
山城那得有師涓。

千里焦枯頓鬱蒼，邦人寧復慮年荒。
大田一雨渾霑足，鄰壤羣偷更伏藏。
治郡羨君端有術，救民愧我獨無方。
夜來復誦新詩句，嘆賞徘徊月轉廊。

和閭丘省幹喜雨韻

良田方苦莠，驕驕甘雨如何闕。
九霄賢守治聲喧道路，聖君德澤播黎苗。
寧容赤地炎威熾，果見青天旱氣消。

昨夜東臯已霑足康衢滿耳沸歌謠

鈴齋坐嘯不為頗愁嘆翻然變詠歌千里正憂無舊穀
一朝俄喜決新禾雲師蔽日如張幟雨陣橫空似擁戈
我忝郡丞何所補但將新句對松哦

和趙觀使喜雨

膏澤愆時愧已深敢期誠意達天垠片雲忽送千峯雨
一氣潛回萬壑春頓覺老農生喜色坐令凶歲變佳辰
憂民雖切功何有塊土無私荷大鈞

喜雨偶成

麥熟蠶登處處同
萬家舉首謝天公
尚憂六月旱為虐
却喜連宵雨已通
萬事自知成老懶
一心祇是願年豐
從今準擬添新釀
要使樽中酒不空

和澤民喜雨

陰長陽消帝怒深
盡驅赫日掃羣陰
却疑枉致一秋旱
聊復需為三日霖
隴畝共知成樂歲
里閭誰不起歡心
朝來幽鳥知予意
亦向簷前作好音

和葉性之喜雨

去歲饑荒特異常
那知今日便豐穰
田疇雨足經時潤
院宇風生著處涼
老去我方辭五斗
秋來誰解積千倉
從今閭里無艱食
會見家家酒熟香

癸巳夏秋旱七月十日得雨喜雨有作

旱魃為災害有秋
焦枯滿目使人憂
片雲忽向天邊合
一雨俄驚地上流
盡道稿苗須半活
如云晚稻可全收
老農兩手齊加額
且免流離過外州

喜入冬初七八得雨

夏旱連秋又及冬大田高下總成空千倉已失三農望
一雨欣聞百里同青入平疇看麥秀綠回枯治喜泉通
從今得免填溝壑皆謝天公惠困窮

和魯漕喜雨二首

冬暖曾無欲雪天正憂饑饉在新年忽聞夜滴簷前雨
便覺春歸郭外田千里已知俱樂部只一尊亦擬共陶然
其如使者拘臺制不肯花間聽管絃

秋來日日困驕陽正欲齋心問彼蒼
倏爾四郊雲氣合
霈然一夜雨聲長
三農已有倉箱慶
萬室還欣枕簟涼
幸值故人來過我
尊前莫惜醉淋浪

和魯漕春雨有感三首

自憐齒豁與頭童
心事都非少壯同
那更閉門聽夜雨
不容步履趁東風
勝遊尚喜朋簪盍
痛飲寧辭酒盞空
只恐酒醒歸興動
愈令倦客憶山中

自嘆蒼顏不復童
幸然三老此時同
登高能賦多佳詠

把酒論文有古風可恨雨師頻作惡直疑春事遂成空
愁來不用慇懃勸已判花前為一中

我心雖老尚如童春到惟思笑語同正欲對花歌且舞
那知通夕雨兼風千疇固喜俱霑足百卉還愁一掃空
安得晴天開萬里緩行花下豁胸中

雨後

朝來一雨灑炎光陡覺園林處處涼煙柳數行縈翠帶
風荷十里擁紅粧莫憂鏡裏朱顏改且喜壺中白晝長

只恐吾衰無此福不容終老水雲鄉

喜晴

積陰初散雨初收一解霖霪十日憂已見郡條平似水
不妨官舍冷如秋年來觸緒無佳思老去同僚得勝流
更喜豐年消息好從今還遂稻粱謀

久雨無聊喜乍晴尚餘春色到簷楹楊花飛去今無力
燕子歸來似有情靜看遊魚波面躍閒隨野鶴竹間行
世緣到此消磨盡只欲徜徉度此生

未臘已見四白偶得數語呈子壽且述挽留之意

人言三白兆豐年四白欣逢向臘前
細糝蘆花初著地亂飄柳絮忽漫天
雅宜領客登臺上正欲開尊向酒邊
樂歲幸君同賦詠若為歸棹遽翩然

和蔣無退詠雪

臘中三白幾年無今歲呈祥事可書
披得一蓑方入畫翻成雙帶又隨車
共驚飛絮迷清晝更覺同雲滿太虛

憶昔讀書燈火少喜穿窻牖映吾廬

和魏簽雪詩上趙守

臘盡東君已報春雪花猶未歛輕塵二天默禱渾如響
一夜呈祥覺有神千里妖氛應洗滌萬家喜氣欲輪囷
試詢治行今誰最屈指公為第一人

透戶穿簾到眼邊陡驚滕六逞威權禦寒戒獨憂無褐
得飽人皆喜有年已見歡聲騰比屋好將盛事被丹絃
此時且莫孤清賞早晚除書下九天

和朱文卿春雪韻

春來何事尚凝嚴，一夜空庭霰雪兼。
坐久羅衣驚頓薄，更闌杯酒覺頻添。
旋消疎滴簷間雨，更看平堆地上鹽。
誰道東風回暖律，韜霞掩日不容覘。

喜雪

糝遍山巔與水涯，天公著意做年華。
要令臘裏呈三白，時向空中散六花。
勒住玉梅還可恨，粧成瓊樹却堪誇。
須知造物憂民切，預把豐穰報萬家。

雪意初疑作不成，纔飛數片又還晴。
正思潤澤霑千里，忽見繽紛滿一城。
凋郡共欣消沴氣，老農相慶沸歡聲。
我將盡把姑溪釀，要與邦人樂太平。

凍雲黯淡浩無涯，雪陣橫空勢欲斜。
入戶有人疑柳絮，遶園無處認梅花。
舉頭頓覺青山老，撲面還驚綠鬢華。
我醉未眠愁酒盡，挈瓶來問爾東家。

和魯漕途中喜雪

陡覺同雲翳四山，捲簾聊復望江干。
舉頭喜見迎春雪。

抱膝從教徹地寒
預卜豐穰知歲樂
潛消瘴癘想民安
一樽正欲同清賞
咫尺胡為會合難

和津喜雪二首

六花一夜降中天
飛繞吾廬頓滿前
幻出仙家新窟宅
疑非塵世舊山川
但驚巖上青松老
不見天邊白鴈連
賴有甕頭新釀熟
何妨沉醉度殘年

我愛平湖繞碧山
山光倒碧到尊前
同雲何事迷千嶂
飛雪俄然蔽一川
縱使玉樓從地湧
便教銀闕與天連

到頭幻化非真實，爭似湖山耐歲年。

和許守喜雪韻

凍雲垂地木停號，六出飛花遍九臯。
已見隨車翻縞帶，還疑縱獵散風毛。
幽人乘興空回棹，公子無言獨擁袍。
顧我年來詩思澀，強吟冰柱愧才高。

元宵雪作因成短句

天公着意做元宵，陡使新春樂事饒。
已放金蓮開陸地，更移銀闕下雲霄。
坐中星斗渾相照，庭下瓊瑰更亂飄。

佳客莫辭通夕醉要令來歲記今朝

是日大雪際晚復晴月色輝映尤為可喜偶成

數句

滿城着地折紅蓮天使今宵樂事全已是雪中千里白
更兼月色十分圓胡為佳客猶辭醉正恐明年未必然
我欲乞身歸去也懸知此酒是離筵

和王夷仲雪中見貽

歲晚端居寂寞濱雪花零亂更愁人捲簾已覺青山老

入座仍添白髮新
寫景自憐佳句少
論交還喜宿心親
來詩況復清如雪
想見吟成泣鬼神

待雪不至呈子儀

冬暖方憂雪意慳
俄然飄灑到人間
夜聞便謂迷三徑
曉看依然在半山
明日既容殘臘去
今朝已是迫春還
如何滕六渾無意
不上雲霄叩九關

三月十一日風電

向晚欣逢霽色開
方思花下共銜杯
一時雨電排簷急

萬里風雲捲地來，掃蕩千花真可恨。
摧殘二麥亦堪哀，賞心樂事俱休矣。
惆悵青春去不回。

初夏登城上有感

來守孤城忽兩暮，可堪登眺又斜暉。
經春不見流鶯語，終日唯看乳燕飛。
風舞新荷裊裊，烟籠細柳綠依依。
此邦縱美非吾土，莫怪山翁只念歸。

和朱世同夜坐待月

新涼初入我庭中，滿坐清風孰與同。
已喜故人來聚首，

那堪明月更當空滿傾濁酒休辭醉賸作新詩莫諱窮
屈指如今詩酒社有誰曾次得如公

十六夜再登月臺

虛度中秋頗動懷今宵却再上高臺強延風月雖聊爾
一對江山亦快哉小子仍攜竹葉至同僚還折桂枝來
老夫為爾牽詩興笑向花前覆一杯

中秋後一夕煙雨樓翫月

危樓百尺俯層城煙歛雲收眼更明四面月華千頃白

一天秋氣十分清
昨宵欲見渾無計
今夕相看似有情
又值病夫慵對酒
賞心樂事信難并

和陳澤民韻

雨歇雲收天意回
放教明月下天來
為憐病守懷三徑
故遣姮娥薦一杯
坐上賓僚方共集
城頭更漏莫相催
來年此夕知誰在
對月何妨笑口開

寄題魯郎中遂隱堂

老向江頭強剖符
夢魂長是繞吾廬
正慚我未成歸計

却羨君先遂隱居湖上煙雲常縹緲園中花木總扶疎
他時尚冀相從醉剩把鷓鴣夷載後車

送王龜齡得請還鄉

一用龜齡
貢院詩韻

兩馳章奏叩天關只願歸來老故山愧我尚留牽吏役
羨君先去得身閒冥鴻已逐高風舉倦鳥終隨落照還
尚擬杖藜尋舊約鴈峯深處共躋攀

和氣融融動白蘋誰傳千里政方新若為擺落遊珍館
不顧悲啼擁畫輪鯨海無津堪縱目鴈山如舊足怡神

願言分我閒中趣已問君王乞此身

又送江朝宗還鄉

欲留車騎少徘徊歸興那知苦見催只許霜前同把菊
不容雪裏共觀梅今朝對酒休辭醉明日有懷誰與開
別後愿言無爽約菊花開日又重來

和章德文侍郎題晞沆堂韻寄張法師

丹成人去幾經年怪石峻嶒樹曲拳超脫每思攀逸駕
沉迷無奈縛塵緣勝遊徒有騷人詠絕景難憑妙筆傳

投綬歸來應未晚尚期一訪洞中仙

余以前年五月八日到官今年又於此日去郡
同僚作餞即席援筆言別

來守江城恰二年同僚何幸得諸賢屢邀風月供吟筆
幾度江山棹酒船自分衰頹今老矣可堪離索更淒然
青雲有路平如砥公等應須早着鞭

去郡日寄居諸公作餞即席奉呈

三年江上守孤城日日思歸去未能雖愧憇棠無惠政

却欣伐木有良朋
花開後圃春同醉
月滿高樓夜共燈
別後要須俱自愛
從今拭目看飛騰

用天子貢院韻以餞行色

直氣如君世莫雙
笑人老死利名場
一言齟齬身雖去
萬口咨嗟道愈光
舌在何方居澤國
時來會見佐巖廊
人間榮辱渾休問
日飲醇醪計亦長

和曾吉甫九日

龍山陳迹已成灰
尚憶當年戲馬臺
我幸偶陪黃菊醉

君應亦向白衣來
風高日朗三秋霽
野曠天清萬象開
好對良辰成樂事
若為不飲竟空回

再辱九日和章連日公冗失於奉賡今日大閱
偶於馬上得之
魚簡是日座客

老子年來百念灰
尚懷月觀與風臺
良辰祇恐轉頭過
好景還欣入眼來
几席坐窮千里勝
軒窗高揖四山開
公餘不厭頻登眺
要伴諸君醉百回

重陽有作呈朝宗

殘年脚力已推頰不謂登高尚可來每恨故人多爽約
那知今日共銜杯挪揄黃菊香仍在悵恨朱顏挽不回
君若此時猶惜醉酒懷更待幾時開

用前韻示三七姪

吾家小阮亦賢哉又得攜壺為我來應念難逢重九節
要陪痛飲十分杯頭添白髮那能久眼看黃花有幾回
頗恨病衰鯨量減只將笑口為君開

重陽用昔年所作韻

行盡天涯鬢欲霜又來姑熟過重陽試登翠巘邀珠履
更喚紅裙侑玉觴野菊有花供客眼公庭無事惱人腸
諸君莫惜長鯨量且伴衰翁入醉鄉

和許守重陽出城韻

曉從千騎越重圍軋軋籃輿渡古津萬疊青山煙漠漠
一溪寒水石粼粼笑攜紅袖尋蓮社醉折黃花上葛巾
此會從今成故事他年應記座中人

江朝宗許重陽見過候終日竟不聞車音使人

悵然因成拙句以誚之

故人平日號推誠然諾應當作世程已是賞花頻爽約
若為把菊又渝盟詩成本擬君相和酒熟當憐我獨傾
惆悵死生猶未隔如今先已見交情

拙者有重陽詩以陽字韻歲和一篇復繼前作
登臨端欲賞秋光病眼昏花怯太陽老去不堪逢節物
愁來聊復近壺觴沉迷有靦塵埃面感慨空存鐵石腸
已是思歸無可奈更來高處望家鄉

重陽有感呈諸丈

九日長年客異鄉今年又復到南昌
眼看黃菊依然好心着青山祇自傷
已是歲華成畹晚可堪秋色更淒涼
諸公不用羞吹帽且試登高共一觴

春閱偶成三首

曉驅千騎出郊坰極目江天萬里晴
風入鼓鼙聲益壯日烘旗幟色增明
安邊雖是難忘戰和衆由來在戢兵
但願從今烽燧息早歸林下看昇平

大閱歸來日未西
柳絲搖曳草萋迷
桑開蟬翼枝方綠
麥露鰕鬚穗半齊
池面新荷爭出水
道傍飛燕競銜泥
風光撩我歸心動
猶喜初無杜宇啼

肩摩袂屬擁如山
夾道爭看大閱還
無限兒童齊拍手
幾多父老盡酡顏
人方共樂青春好
我亦常欣白晝閒
無奈老來歸念重
夢魂夜夜遶鄉關

大閱即事書懷

東郊雨後好風煙
大閱歸來意豁然
十里旌旗明照日

九衢鼓吹鬧喧天
酴醾開也渾如雪
楊柳飛來總是綿
景物眼前雖不惡
老來無奈憶林泉

懶散無堪合杜門
十連帥閫若為分
仁風尚可揚千里
勇氣安能作六軍
戈甲紛紛徒曜日
旌旗獵獵漫連雲
歸來夾道人爭看
應笑蒼顏老使君

和陳澤民詠巖桂

我家千樹正芬芳
不見羈懷已倍傷
豈謂幽姿憐寂寞
亦來孤館伴淒涼
追尋尚想年時侶
披拂還同故里香

花下光陰能有幾若為飄泊向江鄉

巖桂盛開感而有作

抱痾三月未能瘳樂事都無祇有愁忽覺天香參鼻觀
頓令病客展眉頭擬招賓佐同歡賞奈怯壺觴且罷休
却憶向來無事日年年花下醉千秋

和天子即席詠巖桂

衰病無惊日日加喜君來自帝王家素娥正駕一輪玉
老桂方開雙樹花置酒雖欣陪重客侑尊還愧乏名娃

莫辭今夕如泥醉須念明朝各一涯

和子儀同賞荷花

晚涼領客泛漣漪境勝形容頗費詩人自紅蓮叢裏過
舟從綠柳岸邊移興來滯思俄然豁坐久煩襟頓覺披
佳客要須拚一醉莫辜風細月明時

得三七舍姪書云二月二十五日同族人至湖

山賞海棠花枝繁麗宛如神仙窟宅感而有作
報言宗族競尋芳共到吾廬賞海棠亭下定知春爛漫

花間想見醉淋浪，長年心着神仙窟。此日身縻雲水鄉，
苦恨欲歸無羽翼。夜深魂夢只悠颺。

見市上有賣海棠者，悵然有感

連年蹤跡滯江鄉，長憶吾廬萬海棠。想得春來增艷麗，
無因歸去賞芬芳。偶然擔上逢人賣，猶記尊前為爾狂。
何日故園修舊約，賸燒銀燭照紅粧。

和咎通彥早梅韻

歲歲梅花破臘開，賞花嘗記坐蒼苔。今年似覺寒猶未，

昨夜不知春已回喜有暗香供雅客可無佳句助深杯
須知不比閒桃李莫把金刀取次裁

觀梅偶成二首

化工一夜報春回雪裏南枝已漸開不與凡條鬪紅紫
獨將孤艷照池臺勝遊濫綴蓬山侶高唱寧追郢客才
多病自憐心尚在不辭歲歲為君來

經年不見夢魂飛依舊仙裝淡薄衣玉骨已無塵俗氣
冰姿還耐雪霜威攜壺正欲酬清賞策杖何妨歷翠微

莫惜對花拚劇飲看看風雨捲春歸

遠老惠雪中觀梅詩次韻以謝

山頭飛雪已漫漫雲散須臾復見山踏雪不辭來野外
愛梅須遍走林間為憐孤艷思經目擬索疎枝笑解顏
師肯相過宜及早預愁花點綠苔斑

遠老自和前詩再寄復次韻

雪到梅開恰欲漫扶藜得得繞湖山折將冷蘂疎枝去
浸在明窻淨几間一見已堪資琢句細看還足助怡顏

只愁冰艷相侵逼映得衰翁鬢愈斑

和紫巖老雪中觀梅

清寒池館靜沉沉慘淡江梅弄晚陰雪裏有誰能載酒
花前無語自傷心低枝似欲迎人笑清賞何妨倚樹吟
況有爭妍佳句在愈撩詩思不能禁

賞梅偶成

一冬準擬賞江梅直至如今始見開已怪輕寒勒春住
更憂橫雨把花摧相攜且看枝頭雪共坐聊傾樹下杯

況是公庭無箇事何妨一醉習池回

愛梅

經年不得見江梅繞樹行行日幾回已擬開時拚徑醉
其如病後怯銜杯傷心不覺成三歎忍淚猶能強一來
顧我已衰無酒分從今花更不須開

和隱老詠梅韻

不憚行行雪滿巔要看與雪鬪清妍開花雖在三冬杪
結子還居萬木先水淺橫斜聊自見夜寒幽獨有誰憐

君詩況與梅相亞傳寫慚無十樣牋

自京口至建康一路不見梅花慨然有作

盡日經行不見梅竹籬茅舍漫徘徊無時得遣愁懷去
有底能教詩思來遙想故園應好在不知今歲為誰開
何時花下還如舊一笑相看把酒杯

自建康路中見梅次前韻

行盡山崗喜見梅停驂深欲少徘徊那知急雨連天暗
更有狂風捲地來無計略臨花下坐却嗟空向眼前開

行人賴有尊中綠遙想孤芳寄一杯

北山席上見梅偶成

聞道前村梅已開有心踏月共徘徊誰知白日忽忽過
竟阻青鞋得得來席上相逢如有舊尊前佇立恨無媒
樓頭且莫橫孤管我欲今宵醉百杯

再和二首

一枝昨夜雪中開報道江南春信回自與東君私有約
不須驛使寄將來風姿端是飛瓊侶標格宜為弄玉媒

莫惜移尊來月下要看踈影落金杯

平生相見即眉開幾遣車停馬首回
窗外每憐隨月到竹邊還喜過牆來
寒香入座如相覓幽艷迎人欲自媒
不負此花惟有醉慙慙且覆掌中杯

用金克家韻賦梅花

我賦梅花逼古人疑和靖是前身
祇思長向花前醉不厭閒來樹下頻
俗眼但知誇潔白老懷端是愛清真
大家管領須宜早莫待飄零作地茵

詩勉及門赴海棠之約

君與吾遊積有年未曾同醉海棠前如今君乃先春到
似赴花朝豈偶然已是詩中參造化何妨花裏見神仙
暫歸莫負重來約未及春風便着鞭

四月六日同江朝宗花下飲

十分擬共醉花枝底事君來苦後期芍藥堦前猶爛熳
醪醕架上已離披春歸又是辜杯酒老去還應惜歲時
今日要須拚酩酊從教人笑賞花遲

和管大老瑞麥

別來長恨見無時不謂相逢總泣岐
愧我滯留身已老憐君偃蹇宦猶卑
思歸正續孤松賦溢美空傳瑞麥詩
萬事從今休更問祇知痛飲是吾師

憶鹿鶴

山中鹿鶴久相疎恨不歸來與汝俱
飛舞尚如前日否奔騰還上後山無
不聞警露來庭下猶想銜花近座隅
歎我素鍾山野性從來與汝本無殊

偶得數瑠璃瓶置窻几間因取小魚漾其中乃
見其浮游自適感而有作

方安林下樂樵漁底事牽來剖竹符道院固知人少訟
豐年何幸俗多娛閒隨野鶴穿花徑靜看游魚戲玉壺
却愧此身猶束縛未能歸去老江湖

和陳義卿

自顧迂疎不入時竭來此地亦何為游從斷絕憑誰語
蹤迹飄零祇自知方喜朋簪今復合却慚酒盞但空持

何時得遂歸休去把手臨流共賦詩

義卿以病不飲故有酒盞空持之句

和蔣宣卿韻

丐閒章上早知還卓犖高風豈易攀
閣步未歸龍尾道勝遊先到虎丘山
千尋古木軒窗外一縷沉煙几席間
況是登臨有佳客何妨終日對孱顏

不將有限遂無涯聊為尋幽駐使華
千古山川埋劍氣半空臺閣雨天花
終期香火參同社且賦新詩寄作家
歸晚不須添列炬預愁驚散暮林鷗

和沈子壽見寄

心地荒蕪曠幾春
竭來邂逅共耕耘
交情正喜清如水
歸興那知去似雲
百首漫勞頻寄遠
一尊終擬再論文
胡為竟爾乖前約
寂寞車音杳不聞

和梁次張韻

妙齡才藻擢文犀
聲價何須待品題
獨抱孤衷長拱北
擬攄妙畫欲平西
五年不見心如渴
一笑相逢醉似泥
我老已為林下計
看君平步上雲梯

和王夷仲韻

灑落冒襟有古風日臨清泚面寵從不堪世路千重險
直與溪流萬折東刮眼相看言有味傾懷一笑興無窮
何時同訪連檣老快意觥船一棹空

和韓子雲見寄四首

鬱鬱愁懷不自傾時時倒指勘歸程情知歲月來無幾
心着湖山去未成惡語豈能賡絕唱故人聊欲話平生
頗思共索梅花笑點檢枝頭半吐英

日在桑榆勢欲傾此時那可更貪程屢憑熊軾慚無補
新葺燕巢欣有成便好棄官還故里不妨把酒樂餘生
經綸事業須公等看即持荷侍邇英

有花須折酒須傾少日追歡不計程老去自憐心易懶
時過還恐道難成城頭又是暮雲合江上何時春水生
早理扁舟歸去好故園猶有萬紅英

當時邂逅已心傾別後逢人問去程顧我拙疎非世用
喜君明悟自天成十年不見懷芝宇一笑相逢付麴生

暫爾就閒宜自愛上方著意擢豪英

僕平日聞有此生待足何時足未老得閒方是閒之句每嘆服之恨不知作者姓名一日與魯漕話次方聞此詩乃福唐余倅所作魯繼錄全詩及余君所夢始末見示讀之使人益起懷歸之興因成小詩以記其事

寒士叨塵分已踰不為歸計待何如暮年光景那能久浮世榮華總是虛此去直須甘澹泊箇中元自有乘除

因公拈起余君話愈使衰翁憶故廬

誠能積行累功自有乘除乃余君夢

中所得司命

真君語也

挈累來當塗聞已入境感懷有作二首

鷗鷺相疎鴈鷺親簿書叢裏度光陰塵埃已覺胷中滿
霜雪還從鬢上侵盡室脩途方在念連宵苦雨若為心
明朝儻得成團聚有酒從教取次斟

方與晴窗愛日親若為天又作重陰年來已是憂思過
老去那堪疾病侵默數七旬寧幾日更添一歲愈驚心

喜聞已辦周身具對酒何妨且滿樽

累年欲辦周身之具未獲昨日家問

來云新買數百斤杉木一根身後之事遂可取辦喜可知也

和志道送行韻

聖君圖治事如何但見風雲氣象和公似一夔奚翅足
我如乘鴈豈加多西郊索索飄黃葉南浦鱗鱗起綠波
今日郵亭休恨別行看麻制草鑾坡

壽元伯母太夫人八秩

七十康強自古稀年登八秩有誰宜壽鍾賢母人難及

慶襲佳兒世共知
榮養已為人子範
清規還作女流師
綵衣更戲蘭階下
遙想慈顏笑解頤

送朱彥聰和韻

傷時已老壯夫顏
可使分攜一日間
細細梅花薰別酒
依依寒日淡前山
由來世上知音少
況是人生會面難
他日詩成能念我
寄來莫放驛筒閒

送丘尉赴試南宮

儒冠鼎盛縉紳多
海內如今數永嘉
士習藝文爭擢第

君明經術合傳家莫言黃綬官猶小須信青雲路不賒
好上漢廷晁董對要令吾道益光華

送諸鄉人赴試南宮

聞道諸君上玉京一杯聊復話離情青錢既中三年選
黃鵠須看萬里程欲向他時成遠器要從今日立脩名
吾君銳意圖興復好把嘉言對集英

送二十七弟五三姪赴試南宮

家世登科能幾人兩人今歲奄沉淪不應天遽衰吾族

會見時當發汝身聯轡莫辭金鐙冷奪標爭鬪錦袍新
還須益勵青雲志門戶何憂不再振

送姪赴廷試

經術傳家幾縉紳孫吳決策舊無人上將用武方留意
汝始程能遂發身佇展六韜登上第更資三釜及偏親
兩科自此增雙美何患衰宗不再振

昔年三榜偶聯榮人道吾家好弟兄更喜鵲原俱有子
還來雁塔再題名衰宗正恐儒風墜晚景那知好事并

老子已為歸去計從今看汝奮鵬程

和曾吉甫四明見寄二首

老矣何堪剖竹符頻年強出應時須腰間謾佩買臣印
月下同遊賀老湖白雪已知人寡和清風還憶醉相扶
十洲三島登臨處能記稽山病守無

風煙浩蕩甬東州方羨公為爛漫遊豈料連宵垂雨脚
未容杲日出雲頭扶藜登眺心應在隱几吟哦趣更幽
遙想乍晴須痛賞詩成還肯寄來不

和梁大諫望亭述懷

屢試乘輅與把麾笑談自可解重圍暮年強健人爭羨
平日剛方世所稀國步尚艱端有賴君恩方渥未須歸
時清益展經綸手直上巖廊秉政機

又和陳天予

邊敵臨江強指麾狂圖欲效白登圍一朝殄滅妖氛淨
萬里歡傳盛事稀故國山河看克復中原父老徯來歸
六飛便好乘時進順取天心莫失機

月下獨酌有懷梁丈因和前韻以寄且約為明
夜之集

晚來清蹕駐旌麾月色分明徹四圍對景已欣羣動息
仰天還覺衆星稀如今路入中原去看即春從上苑歸
況是昇平時節近一尊相屬且忘機

和朱文卿見贈

簿書終日嘆徒勞俄喜相看有故交抱道尚稽懷印綬
安貧還不厭衡茆草廬誰識真龍卧阿閣行看彩鳳巢

歸去不妨深閉戶靜聽脩竹晚風敲

和林徽之見寄

涉世無堪足亂離蕭蕭風雨一聲雞故人別後乾坤窄
三徑歸來草木迷黃鳥翩翩思出谷老龍頭角尚蟠泥
一尊濁酒無人共又是悲吟到日西

和韓子雲韻留沈子壽

一雨連宵繼日傾豈容吾子語歸程我為千里政方暇
子寓三年學已成要把老懷傾倒盡恐令別恨等閒生

江城先自傷牢落，況失一時人物英。

和陳澤民見寄三首

平生懶病苦難醫，長為家山詠式微。
投老但思拋世網，非才安敢近天威。
不堪人事來如織，況復年華去若飛。
習次萬端誰與語，何時玉麈對君揮。

青衫晚得自蟾宮，簿領雖卑道自隆。
不為小官忘大計，要從舊學著新功。
忽來書劄情何厚，細讀詩篇句更雄。
還憶去年相聚日，風前月下酒頻中。

不學羣兒事詭隨世途雖險此心夷
人生富貴誰無分
男子功名自有時
好稱良辰聊適意
莫因末路輒興悲
山寒已有梅花放
想見尋梅日有詩

和王夷仲至日有感

葭灰管裏氣初浮
陽長陰消不自謀
吾道窮耶當復泰
此身老矣不禁愁
得閒正好尋詩社
乘興何妨上釣舟
擬待梅開同勝賞
且寬歸興少遲留

和曾吉甫寄韻呈李相之二首

千齡景運適相符
況復才華世所須
騰蹋自應登館殿
滯留誰謂尚江湖
從來太瘦緣詩苦
想見閒行信杖扶
聞道朝來病良愈
高軒還解出門無

早已相從海上州
竭來鑑水又同遊
驅馳官路俱華髮
繾綣交情異白頭
公即橫翔層漢去
我將歸卧故山幽
連宵月色如明晝
乘興還能過我不

和楊元明雪中見贈

為別多年不記旬
雪中聞到喜難陳
尚稽良會心如渴

頻展新詩手欲皴和寡莫追歌郢客興來還媿泛溪人
要須早了官中事趣取元宵作好春

再和

老去光陰有幾旬到官俄見歲華新陡驚懶慢隨年長
更覺衰殘畏客頻愧我方為牽俗士羨君欲作獨醒人
相逢未用辭歸去且向雙溪醉早春

和陳天子冠字韻

已是頭童懶整冠尊前猶欲強追歡浮生得滿七旬少

樂事能并四者難間去稍知心地適興來殊覺醉鄉寬
入朝更誦公詩句兩腋風生盛暑寒

和孟世功秋日吳江見寄

扁舟西去氣凌雲坐看魚龍躍浪紋風起白蘋初日晚
霜彫紅葉欲秋分忘機鷗鷺情相狎入筆江山句不羣
正恐功名來追逐煙波深處未留君

和魯憲見寄

一笑同登卷雨樓相歡曾記昔年不幾憑詩句論心曲

屢折花枝作酒籌醉裏忘形俱可樂別來握手兩無由
何如傾倒還如舊月下花前恣獻酬

和方叔載留別

臨別慙慙贈我詩一披何喜得如之怪來筆下能高妙
元是胷中自崛竒長恨頃時纔一面方欣今歲展雙眉
明年莫負論文約要向新元副所期

和朱世同詠梅

竹籬茆舍舊同居不見冰姿恰歲餘別後有誰親几席

朝來忽喜映堦除雪中有酒宜相就月下無人肯自踈
端與歲寒長有約不須青帝更吹噓

和朱世同夜聞竹聲

醉卧空齋靜絕人夜闌霜月白紛紛寒生枕上渾無夢
聲到窻前疑是君玉軫誰家調古曲鐵衣何處角孤軍
羨君寫入新詩裏清壯還應過所聞

和劉與幾悟昔

先生豈是做當時知向名場早識機擾擾半生蝴蝶夢

休休今日綠蓑衣
筆端信有江山助
醉裏從教日月飛
應笑遽生回首晚
纔知四十九年非

感舊

達官吾鄉舊罕聞
躋榮兩禁止三人
二公嗟已歸長夜
一老知能得幾春
軒冕但堪遮俗眼
湖山正好樂天真
不妨日日花前醉
已是行年及七旬

范丞相生日

鬱鬱葱葱瑞氣新
中興周室復生申
半千休運逢良月

十二祥藁表慶辰自有元勳書史冊漫留遺愛及邦人
願同四海躋仁壽賸賞蟠桃幾萬春

老妻生朝為壽

人生七十古來稀我幸君今及見之教得子能傳素業
養成孫亦守清規稟生坎坷今當泰積善初終志不移
白首喜為林下伴願從今日到期頤

余年七十輒和樂天詩以自廣

已是年齡及七旬田園稍給未全貧兒孫初識傳儒業

世俗還稱作貴人門外湖山渾可樂沙頭鷗鷺更相親
莫將塵事干吾慮已向君王乞此身

曾元伯以余七十用韻見慶復和之

迂踈如我世間稀自笑於時百不宜但欲平生無鬼責
豈期長命有天知七旬雖慰白司馬三黜空慚柳士師
多謝君詩遠相慶一披頓解老人頤

余既和樂天詩而喜於年及之心猶不能自己
又復再和八首

坐閱流年已七旬從前憂道不憂貧肯教世指為癡漢
只願鄉稱作善人老去固應忘物我歸來豈是負君親
嘗聞知進須知退庶得終全不辱身

乞得行年到七旬歸田不問富和貧初非潔已為高士
但欲頤心如古人每對青山常意適纔逢白叟便情親
靜中百念俱灰滅識破浮生夢幻身

封章上達已經旬所乞原非為賤貧七秩自知非久客
一心只欲作閒人雖慚綠鬢朱顏改却喜清泉白石親

榮辱是非都不問尊前且樂自由身

先子春秋僅八旬一生多難只安貧豈期有子登清禁
亦復如今作老人共羨浮榮光故里自慚實德忝吾親
從前萬事皆踰分只合歸休保此身

新歲妻孥慶七旬徧賙鄰里及孤貧高年滿坐有醉客
丐者塞涂無餒人平日要同人喜樂此時寧間物疎親
餘生自度渾能幾詎可徒勞負此身

故園春到已三旬滿目繁華未覺貧年老得逢無事日

心閒不類有官人戴花休管頭無那酌酒何妨手自親
七十人生從古少安知來歲有吾身

憶在霜臺未六旬嘗陳仕宦縱家貧豈容七十不納祿
却為斗升猶牧人年齒幸吾今已及官曹從此不應親
願天許遂終焉志養此疎慵老大身

一年三百有餘旬舉世栖栖苦迫貧得享安寧七十歲
已勝衰謝萬千人好官縱使登三事榮養何由及二親
爭似山間林下坐無憂無毀足全身

乞身不獲再和

老合休官況七旬我非辭富欲居貧也知光景無多日
更覺筋骸不逮人豈謂九重恩未替復頒一札意猶親
囊封再上終期允已對蒼穹誓此身

懷歸有作

一病魚旬百不禁愈牽歸夢繞家林向來豈有功名念
此去斷無人我心但願天憐將就木許從人欲便投簪
若蒙不靳清閒福尚惜餘年盡寸陰

和四哥錢塘思歸韻

鬱鬱羈懷久欲東故園何日割蒿蓬
可堪世路塵纓縛却使雲山蕙帳空
待價深藏非左計汗顏為斲豈良工
須知呂望嚴陵輩亦是滄浪一釣翁

讀丐辭不允詔書感而有作

竭來江上再經年衰病無時強自憐
屢控危衷甘屏縮豈期優詔更留連
政平訟理曾何補職稱民安亦偶然
雖感上恩容卧治何如便許老林泉

政平訟理職稱民安卧而治之皆詔

語也

齒豁頭童已暮年未容歸去亦堪憐只思舊隱如元亮
寧有新詩似惠連萬事此生渾已矣一尊今日且陶然
宦情況復清如水何必移封向酒泉

復和憐字韻二首

擬歸林下度餘年底事天公不見憐新歲已驚青鬢換
故園還想綠陰連敢萌癡意貪非據但欲冥心任自然
今日有誰聞此語祇應白石與清泉

春色撩人勝去年鶯啼燕語若相憐一川煙水清還淺
萬疊雲山斷復連好景會心宜樂矣故園回首却悽然
同僚賴有清新句似聽松風漱玉泉

二兒納婦有感

老乘一障楚江濱無奈星星鬢影新客裏情懷那似舊
忙中日月不知春若為經歲拋泉石猶把非才玷搢紳
還盡此生兒女債盍歸林下作閒人

重陽用去年韻

不堪秋色已悲涼，那更重陽對夕陽。
白髮蒼顏羞覽鏡，紫萸黃菊喜浮觴。
且來高處開心目，莫引愁端撓肺腸。
未信天教長作客，會須有日放還鄉。

此生几度換炎涼，過了重陽又一陽。
無奈流年如轉轂，得逢佳節且飛觴。
風前落帽從吹鬢，江上登臺任斷腸。
老去已忘榮與辱，只思歸卧水雲鄉。

池上近作假山，引水穿石，撒珠其上，亦有可觀。
因成拙句。

終日塵勞困簿書無因歸泛小西湖

余家西湖湖上有園數十畝目為小

西湖

且來池上看堆翠更向峯前認撒珠觸石有雲時點

綴隨風無雨自沾濡老夫行矣休官去留與邦人作畫

圖

假山

我愛青山欲細看如何不在戶庭間聊移野外玲瓏石
來作窻前重疊山拄笏已堪供嘯詠杖藜還更得躋攀
莫言道院過從少亦有修眉相伴間

生日

藜杖綸巾度幾春
紫袍纈帶一番新
恩榮可但將延世
渥澤還欣再及親
已見里中誇盛事
何妨林下作閒人
年踰七十仍希有
壽酒須拚飲百巡

謝錢參惠驢

白髮衰翁七十餘
尚勞軫記特馳書
知無仙骨能騎鶴
喜有殘骸可跨驢
廐下分來齊駿駟
林間乘去勝巾車
更煩拈出荆申事
遐想風流愧莫如

來書有荆公
申公跨驢事

聞故舊二三公或不幸於官或以疾病而去或以口語而罷悵然有感

平日衰遲衆所憐偶逢身運亦騰騫七旬已過宜休矣一出不歸終溘然幸免煩言全晚節且無多病惱殘年直須更作投簪計莫待將身到九泉

寄周表卿

別來星紀兩周天夢想風標每慨然靖退喜公今就第奔馳愧我未歸田得閒正好哦詩句乘興何妨棹酒船

頗恨路長還病暑無由一見話當年

再和

舉世爭披樂廣天得聯契好豈徒然少留接武遊麟閣
晚更先期到鹿田此日莫登揚子宅何時能泛剡溪船
儻容一夜陪清話勝把陳編讀十年

和劉正夫見寄

攬轡澄清慕古人觀風問俗按行頻振荒已視饑由已
蓄水猶思利及民美意共推君體國高懷還喜我抽身

名章下逮情何厚和氣薰然暖似春

已是龍鍾七十人故應告老上章頻九重垂念如慈父
一旦容歸作幸民今我可憐非故我此身纔喜是吾身
花前幸有尊中醪且醉湖山幾度春

和澤民二首

歸心已動不容留多謝君恩許退休雖喜溪山歸似舊
却驚歲月去如流門前已是開三徑湖上何妨具一舟
莫道此時無伴侶得公足可共遨遊

欲紹家聲每自鞭肯同流俗飲貪泉已將止足安心地
更把吟哦樂性天笑日桃花將獻媚先春梅蘂欲爭妍
人生會合真難遇幸有杯觴且共傳

和蔣無退懷湖山

多謝君恩許引年容親白石與清泉不來山下尋詩社
即向湖中棹酒船意適更穿花塢去興闌還傍竹林眠
那聞高士飄然句陡覺身輕似得仙

